

UW nyob rau lub Caij Kawm Muaj tus kab mob COVID

Peb tab tom nyob rau lub caij uas yog lub caij kawm rau ntuj tsaug txawv tshaj yav tas peb lub tsev kawm ntawv tau muaj.

Yog koj yog ib tug mejiyig, kuv xav siv lub caij no los txais koj rov qab tuaj. Yog koj yog ib tug neeg ua num, kuv ua koj tsaug rau kev sib zog ua haujlwm lub caij ntuj sov uas pab peb los cuag tam sim no. Nws tau siv kev sib zog ntau heev los ntawm cov neeg ua haujlwm – cov xibfwb, kws qhia ntawv, neeg ua num, thiab cov mejiyig *graduate* – pab npaj rau peb lub caij kawm ntuj tsaug.

Kuv pom tias, rau tej qhov, peb txhua tus txhawj txog tus kab mob thiab ua rau peb nkees txog cov kev pauv thiab tsis paub yuav muaj tau li cas tam sim no peb muaj. Rau peb lub tsev kawm ntawv, COVID-19 pauv kev kawm rau lub caij ntuj tshiab, peb kev tshawb fawb, kev qhia ntawv thiab kev mus cuag pab neeg sab nraum, thiab peb lub caij ua kev zoo siab ua ke rau cov mejiyig kawm tag. Nws kuj tau ua rau cov neeg tau so tsis them nyiaj thiab txais tsis tau neeg ua haujlwm ntxiv. Txawm ua li ua tau tiv thaiv peb cov neeg ua haujlwm tau nyiaj tsawg rau kev tsis zoo los, qhov no raug tshuam kev noj kev haus ntau yam rau cov tsev neeg thiab ib tsoom zej zog. Peb paub tias nws raug peb tsoom neeg uas yog cov tej pawg neeg tsawg loj thiab ntau tshaj.

Nyob rau cov kev tshuam no, tau muaj neeg coob nug kuv asthiv puas tas los no tias vim li cas peb ho txiav txim muaj kawm ntawv rau lub caij ntuj tsaug nrog peb tus qauv qhia ntawv nyob *online* thiab tim ntsej tim muag. Kuv tau hnov los ntawm cov neeg ua haujlwm thiab qhia txog lawv kev txhawj thiab tsis paub yuav muaj tau li cas txog qhov yuav muaj pib qhia ntawv rau lub Cuaj Hlis xiab 2. Kuv xav siv lub caij no los teb cov lus tseem ceeb kuv tau hnov thiab muab kev qhia raws tam sim no peb muaj.

Lus nug. Vim li cas ho qhib rau lub caij no?

Nrog kev txhawb thiab koom tes ntawm txhua tus hauv peb ib tsoom, peb ntseeg peb muaj tus qauv npaj ua raws yuav ua tau rau peb qhib muaj kev nyabxees rau qhia tim ntsej tim muaj txog thaum caij so rau *Thanksgiving*. Qhov kev txiav txim no tsis yog txog nyiaj txiag, tabsis ib qho muab caij rau ib co tuaj kawm tim ntsej tim muag, nrog rau muaj caij rau ib co mejiyig tuaj sib ntsib kiag (nrog rau cov xibfwb thiab neeg txhawb kev kawm) uas ua rau kev kawm hauv UW muaj nqi heev. Muaj cov mejiyig tuaj kiag hauv tsev kawm ntawv thiab qhia tim ntsej tim muag, tej qhov ua tau, muaj caij kawm zoo rau cov mejiyig tsis muaj twj (*technology*) zoo siv los chaw zoo saib ntawv hauv tsev.

Peb tus qauv muaj cov thawj hauv cov ceg qhia ntawv koom sau thiab muab tswv yim, cov thawj ntawm kev koom tswj ua haujlwm thiab coob tus cov xibfwb thiab neeg ua num koom khiav ntau yam haujlwm. Peb tseem muaj cov caij sib tham nug tau kiag cov lus muaj nug thaib teb cov tswv yim neeg muab.

Nyob rau tam sim no, li 45 feem pua cov hoob kawm yuav muaj qhia tim ntsej tim muaj. Yog cov mejiyig xav tso npe nkag rau cov hoob tsim nyob ib qho qhia xwb, yuav luag txhua tus mejiyig muaj caij xaiv kawm cov hoob no.

Rau kev to taub rau kev peb txiav txim, nws tseem ceeb nco tias muaj cov mejiyig coob nyob kiag hauv Madison thiab/los yeej yuav tuaj lub caij kawm ntuj tsaug txawm peb muaj los tsis muaj qhia tim ntsej tim muag. Muab qho no, peb ntseeg tias yuav zoo dua rau cov mejiyig thiab ib tsoom thaum lawv muaj ib co kev tuaj kawm rau hauv cov hoob nruab hnuv (txhob zaum hauv tsev ntawm lub computer xwb), thaum muaj kev kuaj ntsuam tus kab mob zoo, thiab muaj kom lawv ua raws kom kev noj qab haus huv.

Tam li tau hais, peb tau hais rau tag nrho cov mejiyig kom txhob tuaj rau hauv Madison thiab kawm cov hoob nyob ib qho qhia xwb yog lawm muaj tej yam mob los yog lawv xum nyob ib qho kawm. Qhov tseeb ntawm muaj peb cov mejiyig coob rov tuaj rau hauv Madison qhia tau tias lawv xav tuaj kiag rau hauv thiab nyob ze thaj chaw kawm.

Peb tau hnov los ntawm cov xibfwb thiab neeg ua haujlwm txog tuaj ua haujlwm rau hauv tsev kawm ntawv vim muaj mob los lwm yam teeb meem. Peb tau hais tseeb rau cov thawjsaib thiab cov saib tej ceg ua haujlwm (*department chairs*) kom lawv xyuas kev pab rau, thaum ua tau, kom cov neeg ua haujlwm no tiv thaiv tau lawv thiab lawv tsev neeg.

Lus nug. Vim li cas peb ho ntseeg tias qhov no yuav mus tau zoo thaum lwm lub tsev kawm qib siab ho pauv lawv cov qauv?

Tsis muaj ib tug qauv yuav tsis muaj kev tsis zoo rau lub caij tam sim no li. Nws yeej tseem muaj thiab yuav muaj cov mejiyig, nrog rau cov nyob hauv zej zog, uas muaj tus kab mob COVID-19 nyob hauv Dane County.

Muaj coob tus mejiyig uas yeej tseem nyob hauv Madison lub caij ntuj sov, thiab cov mejiyig no yeej tshwm rau hauv cov lej thiab kuaj muaj tus kab mob COVID nyob Dane County. Hnuv no peb muaj qhov [campus dashboard](#) rau qhia txog kuaj muaj COVID-19. Cov mejiyig nyob hauv tsev kawm ntawv kuaj tau muaj li 1.6% yog cov muaj tus kab mob asthiv puav tas los no, tib yam li no rau 7 hnuv tas los no rau hauv Dane County.

Raws li cov mejiyig rov tuaj rau hauv cov tsev rau lub asthiv no, peb xav tias yuav muaj txog li 8,000 tus mus kuaj; mus rau yav tom ntej peb xav tias yuav muaj tsawg kawg li 6,000 tus mus kuaj txhua asthiv. Cia kuv qhia ncaj tias yuav muaj taus: Qhov muaj coob tus kuaj sim no yuav muaj coob tus mob nyob hauv Dane County, tiag yog thaum cov mejiyig nyuam qhuav rov tuaj rau hauv tsev kawm ntawv. Qhov no muaj rau pom tseeb thaum peb kom yuav tsum mus kuaj rau li 6,500 tus mejiyig rov tuaj rau hauv tsev kawm ntawv lub asthiv no. Tabsis qhov no kuj thwm tias peb txheeb tau thiab cais cov muaj mob ua ntej lawv kis tau rau lwm tus.

Peb yeej npaj rau qhov yuav muaj neeg coob ib asthiv thiab ho muaj tsawg rau ib asthiv kuaj muaj tus kab mob thaum lub caij kawm ntawv, raws li peb pom qhia muaj nyob hauv zej zog thiab hauv xeev.

Ib qho ntawm peb kuaj yog tseem ceeb heev – kuaj sim cov mejiyig thiab cov neeg ua haujlwm, thiab kuaj cov dej khib nyiab hauv tsev kawm ntawv. Qhov no yuav qhia tau rau peb ntxov yog muaj neeg coob kis tau tus kab mob ntxiv lawv thiab yuav pub peb tsom xyuas kev tswj txwv kom txhob kis.

Muaj qhov ua tau cuab peb zog rau thaum lub caij ntuj sov no, raws ib qho ntawm peb qhov *Research Reboot*, peb muaj ib co neeg twb ua haujlwm rau hauv peb cov *labs* hauv tsev kawm ntawv lawm. Cov neeg uas tau kuaj sim muaj tus kab mob tsawg heev (tsawg tshaj 1%).

Peb tau ua raws li kev kuaj mob thiab kev xyuas kev noj qab haus huv rau pejxeem nrog rau cov kev ua raws peb muaj rau hauv tsev kawm ntawv, xws li npog qhov ncauj qhov ntswg thaib nyob kom sib nruq, muaj ke tu zoo thiab ua raws tsuag tshuaj tua kab mob, thiab kho kom ua haujlwm hauv tej chav nyob sib nruq deb.

Kawg, kuv xav kom nco tias cov kev muaj kuaj pauv tas li. Txog ib nrab lub caij ntuj tsaug, kuv xav tias peb yuav muaj kev kuaj zoo ntxiv, ntau thiab raug nyiaj tsawg. Qhov peb muaj peev xwm kuaj tau peb ib tsoom ntau, peb yuav tswj tau zoo qhov kev kis.

Lus nug. Peb yuav ua li cas thiaj tsis muaj kis rau coob tus (los loj)?

Peb muaj ib qho kev ua raws cais cov mejiyig tawm hauv cov tsev nyob kawm ntawv mus rau ib qho. Peb kuj yuav tshem cov mejiyig tau nyob ze cov neeg mob no mus nyob ib qho thiab.

Rau lub caij ntuj sov no tsev kawm ntawv tau xyuas nws cov chaw thiab cog lus nrog lwm qhov vaj tse kom muaj cov chaw txaus tshem cov muaj mob thiab cov tau nyob ze mus rau. Peb muaj chaw txaus rau li 1,000 tus neeg – li 15 feem pua ntawm cov neeg nyob hauv peb cov tsev nyob kawm ntawv – rau peb cov chaw cais thiab nyob ib qho. Cov mejiyig kuj rov mus tau tsev thiab yog lawv xav mus.

Peb kuj yuav qhia thiab taug qab cov neeg nyob tawm sab nraum tsev kawm ntawv uas tau nyob ze cov kuaj muaj mob; peb tau txais 35 tus neeg tshiab taug cov neeg qab rau hauv University Health Services thiab tseem yuav txais ntxiv. Peb tau qhia rau cov mejiyig nyob sab nraum tsev kawm ntawv thiab lawv cov tsev neeg txog qhov yuav tsum muaj tus qauv cais tus kheej los nyob twj ywm ib qho, yog yuav tau ua. Peb kuj nrog cov *fraternities* thiab *sororities* xyuas cov ua nyob hauv lawv cov tsev npaj kom muaj chaw nyob twj ywm ib qho los caij tus kheej.

Nws yog ib qho tseem ceeb qhia tseeb tias tsev kawm ntawv muaj kuaj thiab taug qab seb leej twg tau nyob ze tus mob kom tsev kawm ntawv khiav tau haujlwm lub caij ntuj tsaug no. Peb yuav tsis ntxiv haujlwm ntxiv rau Dane County cov neeg thiab siv lawv tej

vaj tse. Thaum peb muaj cov kev kuaj thiab taug neeg qab nyob *online* lawm, peb yuav pab tau Dane County taug qab txog kev tus kab mob kis .

Lus nug. Ho yuav ua li cas txog cov kev tuaj koom kev lom ze sab nraum tsev kawm ntawv?

Nws yeej yog ib qho ib txwm rau cov mejyig hauv tsev kawm ntawv thiab sab nraum tsev kawm ntawv xav tuaj ua ke hauv Madison. Peb yeej paub tias cov kev tuaj koom ua ke rau kev lom ze sab nraum tsev kawm ntawv thiab cov kev muaj neeg coob tuaj ua ke yog qhov kis tau rau lwm tus nyob rau lwm lub tsev kawm ntawv qib siab.

Qhov [public health order](#) hauv Dane County tau txwv cov kev tuaj ua ke rau kev lom zem no thiab cov mejyig uas hla tus cai no, lawv yuav raug txim raws tsev kawm ntawv tus cai (nrog rho tawm yog muaj ntau zaus) thiab/los raug nroog nplua nyiaj ntau. Peb tshaj xov tawm tas li rau tag nrho peb cov mejyig txog qhov tseem ceeb ua raws cov kev ua kom muaj kev noj qab haus huv thiab nyabxeeb thiab muaj tsev kawm ntawv cov neeg mus xyuas cov mejyig tawm sab nraum tsev kawm ntawv rau ob hnuv so hais txog qhov tseem ceeb npog qhov ncauj qhov ntswg thiab nyob kom sib nrug tas li.

Tab sis peb ntseeg tias peb cov mejyig xav tuaj rau hauv Madison kawm tim ntsej tim muag thiab lawv yuav ua kom tau raws li hais. Yuav kom lawv koom nrog qhov kev cob qhia txog COVID-19 hauv tsev kawm ntawv thiab cog lus pom zoo rau qhov *Badger Pledge*, uas qhia tias yuav txhawb ua raws cov kev noj qab haus huv kom pejxeem ua.

UW cov *fraternities* thiab *sororities* tau txwv txhua qhov kev tuaj ua ke thiab cov yuav muaj haus cawv thiab tag nrho txhua yam muaj yuav ua raws li *county* cov kev ua raws kom pejxeem muaj kev noj qab haus huv. Rov hais dua, cov kev hla cov kev muaj kom ua raws no yuav raug UW-Madison thiab Nroog Madison nplua tib si. Tam sim no, Dane County tau kom cov chaw haus cawv hauv tsev kaw tag nrho, cov nyob ncig UW tib si.

Yog koj pom muaj kev tsis zoo txog kev noj qab haus huv txog ib tug los pawg mejyig, koj qhia tau rau peb siv daim [Public Health COVID-19 Concern Form](#). Peb xyuas tag nrho cov kev hla cai no zoo thiab xyuas kom cov mejyig no lees lawv kev txhaum.

Lus nug. Tus qauv *Smart Restart* ho xyuas li cas kom muaj kev sib luag?

Txij thaum muaj tus kab mob kis loj, peb tau xyuas tiv thaiv peb cov neeg ua haujlwm tau nyiaj tsawg kom tus kab mob txhob tshuam txog kev nyiaj txiag rau lawv. Peb tau muaj caij them so rau COVID; cov hnuv kom so tsis them nyiaj peb muaj raug rau cov neeg ua haujlwm tau nyiaj ntau xwb; tau txo cov thawj loj cov nyiaj xyoo; thiab cov haujlwm uas yuav luag tsis muaj ua peb tau muab lawv ob leeg tso koom ua ib txoj haujlwm kom lawv ua tsis puv hnuv thiab thov tau nyiaj poob haujlwm rau cov xuab moos lawv ua tsis puv hnuv.

Thaum peb pauv mus kawm ntawv nyob *online* lub Peb Hlis tas, peb sib zog pab xyuas thiab pab kom tau peb cov mejyig uas muaj teeb meem ntau tshaj. Peb muab *laptops*

rau cov lawv xav tau ib lub ua ntaub ntawv thiab yuav rov muab duab rau lub caij kawm ntuj tsaug no. Peb tau qhia tseeb tias peb yuav muaj nyiaj txiag pab rau cov xav tau tib si – rau tsib lub hlis dhau los peb tau muab tshaj \$9.8 lab rau cov kev mejyig tau thov.

Lub caij ntuj tsaug no, kuv kuj txhawj heev txog peb cov mejyig ua tsis muaj khoom noj txaus los chaw nyob ruaj. Tej zaum cov mejyig no yuav tau kev pab zoo tuaj nyob kiag hauv tsev kawm ntawv, muaj chaw thiab caij ua lawv tej ntaub ntawv kawm. Peb paub tias ib co mejyig no tuaj tsis tau kiag rau hauv UW-Madison vim lawv yuav tau pab lawv tsev neeg. Thiab peb kuj paub tias thaum cov mejyig tawm rau ib lub caij kawm ntawv (*semester*), qhov lawv yuav cia li tawm tsis tuaj lawm muaj ntau.

Rau teb cov kev txhawj no, *Student Affairs, DDEEA*, thiab lub *Office of Financial Aid* tau tiv tauj cov mejyig uas tsev neeg tau nyiaj tsawg thiab peb cov mejyig ua yog lwm haiv neeg tsawg. Lawv tab tom xyuas saib cov mejyig ho xav kom muaj dabtsi pab thiab ua li lawv ua tau tiv tauj cov mejyig tsis tau tso npe kawm rau lub caij ntuj tsaug. Rau cov tuaj tsis tau rau hauv tsev kawm ntawv, peb tau muaj kev pab nyob *online* ntau ntxiv. Rau cov tuaj rau hauv tsev kawm ntawv, peb muaj kev pab cuam txais tos rau cov tuaj tshiab thiab rov qab tuaj.

Kuv kuj ho ua tsaug rau *Boys and Girls Club of Dane County*, uas tau pab ib qho nyiaj rau lub *Center for Educational Opportunity* thaum lub caij ntuj tshiab uas yog muab nyiaj pab cov mejyig muaj teeb meem txog nyiaj txiag vim tus kab mob kis loj no thiab hloov kev qhia ntawv thiab khiav haujlwm hauv tsev kawm ntaw.

Lus nug. Yuav ua li cas yog nws ho tsis ua haujlwm li xav?

Yog peb kev kuaj thiab ntsuam xyuas cov ntaub ntawv qhia tias kev kis muaj tsis zoo rau pejxeem kev noj qab haus huv, peb yuav xyuas kaw tag nrho los tej koog hauv tsev kawm ntawv, pauv rov mus nyob ib qho ua haujlwm thiab qhia ntawv li yuav tsum tau ua. Qhov no yuav tsum tau nrog UW System Administration tham, uas yog qhov ntsuam tag nrho cov kev kawm ntawv nyob hauv UW System.

Tsis muaj ib qho nkaus xwb uas yuav ua kom peb txiav txim pauv rov qab los txo peb cov qauv. Peb ntsuam xyuas ntau yam – cov no xws li feem pua ntawm cov neeg kuaj muaj tus kab mob thiab cov chaw siv cais tus kheej thiab nyob ib qho, nrog rau hauv zej zog ntsuam saib hauv lub county muaj neeg kuaj muaj tus kab mob coob npaum cas thiab peb cov tsev kuaj mob ho tshuav chaw pw ntau npaum li cas. Peb kuj tau tswv yim pab tas li los ntawm cov neeg paub txog kab mob kis tau zoo hauv tsev kawm ntawv no raws li lawv pab peb xyuas ho muaj li cas. Peb tau tsim ntau tus qauv npaj uas pub peb hloov peb cov kev khiav haujlwm tau thaum muaj teeb meem ceev.

Txhua lub tsev kawm ntawv qib siab tau txiav txim txawv. Feem ntau cov tsev kawm ntawv qib siab nyob hauv Big 10 qhib lub caij kawm ntuj tsaug no. Muaj ntaub ntawv, kev tshawb fawb kawm, thiab tswv yim los ntawm cov kws paub txog tus kab mob pab peb tsim cov kev npaj. Cov kev ua raws kom muaj kev noj qab haus huv yuav pab txo kev kis nyob hauv tsev kawm ntawv. Tabsis nws yog tag peb ib tsoom lub luag haujlwm

– cov mejoyig thiab cov neeg ua haujlwm – yuav tsum koj kom zoo rau sab nraum thiab hauv thaj chaw tsev kawm ntawv.

Tsis muaj ib yam tseeb rau lub caij ntuj tsaug no. Kuv xav tias tej zaum tag nrho peb txhua tus yuav tau hloov mus rau nyob ib qho qhia ntawv ua ntej Thanksgiving. Tabsis tus kab mob no yuav tsis ploj sai, thiab peb yuav tau xyuas saib peb yuav tau nyob li cas nrog nws txog thaum muaj kev kho mob zoo pab xws li tshuaj hno tiv thaiv.

Nws tau yog ib qho txawv tshaj thiab 6 hli mas zoo li ntev tshaj. Kuv zoo siab rau txhua txoj kev uas peb ib tsoom hauv tsev kawm ntawv ib tug txhawb ib tug thiab ua cov haujlwm tseem ceeb kom tsev kawm ntawv khiav tau haujlwm mus rau tom ntej. Kuv thov nej kev txhawb thiab koom tes ntiv xyuas dhaws qhov teeb meem no ua ke.

###